

مینا ساھر

# کتاب تلوین

شعر

کیان کوردار لیلی

109 1/2 10

مینا ساهر  
کتاب تلوین

**كيان كورب للنشر والتوزيع**  
**(دار ليلي)**

**الكتاب:**

**كتاب تلوين**

**المؤلف:**

**ميना ساهر**

**الغلاف:**

**محمد محمود**

**التنفيذ الفني:**

**حسام سليمان**

\*\*\*

**إدارة التوزيع:**

**عبد الله شلبي**

\*\*\*

**الإشراف العام:**

**محمد سامي**

\*\*\*

رقم الإيداع: 2011/11224

جميع الحقوق محفوظة. وأي اقتباس أو تقليد أو إعادة طبع - دون موافقة كتابية - يعرض صاحبه للمساءلة القانونية.

الترقيم الدولي: 978-977-6386-34-1

المهندسين-23 شارع السودان-تقاطع مصدق-الدور الرابع-مكتب 11

هاتف: 33370042 (02) (002) - 3885295 (012) (002)

البريد الإلكتروني: mail@darlila.com الموقع الرسمي: www.darlila.com

مینا ساهر

# کتاب تلوین

کیان کورب للنشر والتوزیع

دار لیلی



إلى يوستينا ..  
إلى أبي و أمي ..





إلى روح الصديق بيتر مجدي ..

كالعادة،

تسبقني إلى السعادة .. بخطوة



## كتاب تلوين

إتولدت و قلبي كتاب تلوين  
فيه اللي شخبط  
و اللي لخبط  
و اللي رسم تصاوير حلوين  
فيه اللي بلمسه شرخني  
و اللي دوخني  
و اللي خلاني أقول دواوين  
حكايات كتيرة عشتها  
فيها اللي قبل آوانه  
و اللي بعد آوانه

لكن ولا واحدة في وقتها  
شوارع كثيرة عرفتھا  
و شوارع أكثر،  
لسه في أجندة الخطاوي  
و الشوارع ناس .. و الناس شوارع  
أنا عجبتني اللعبة  
سرقتم فیھا مكان و دور  
و لما بان النور  
استغربت جداً ..  
لما شفت قلبي .. کتاب عناوين

## أمواج ..

قلبي أمواج ثائرة  
مشاعري .. تايهه حائرة  
مش عارف لفين طريقي  
وفين السراب،  
وفين الحقيقي ..  
وفين هاتخلص الدائرة  
مش عارف  
لكن روحي سايرة



## منتهد

الفجر،  
الشوارع فاضية ..  
و عواميد النور منورة للأشباح  
.. صمت ..  
ساكت ليه إنت كمان يا قلبي !!  
نمت ..  
ولا استسلمت للجراح





# الحياة السرية للعاشق م.س

ليا حياة سرية  
شخصيات و تفاصيل ثانية  
بين حيطان أوضتي،  
بتقلع روحي كل الوشوش  
بامسح ملامح الحزن المغمشوش  
و كلامي قبل ما يبوش،  
بانشرة على حبل غسيل ..  
باترنم باغاني حب،  
تهز جناحات الملايكه  
و تهز روحي .. ترفرف  
فوق أسلاكها الشايكه

تنور سماها السودا الحالكه  
تسهر حايكه  
أحلام على مقاس قلبي ..  
أنا قلبي نصين ..  
نص مكتبة .. و نص ملعب كورة  
و الإثنين ملك حبيبتي ..  
أنا قلبي حصن حصين  
لا فتفوتة ذكرى عمرها هربت  
و لا عصفورة،  
من كفي شربت  
أنا قلبي بيحب مرة  
ضد النسيان ..  
قلبي أصلي .. مش صنع في الصين

## تفصيص

أحياناً  
الاقيني ساكت  
و قلبي على الورق متفصص  
وشوش .. روايح .. أماكن،  
كله جذب بعضه مترصص  
الاقيني .. محتار قوي  
و أنا بادور على المغزى  
و المعنى  
في الحلم أبو جناح متقصص  
اشمعنى بيجي في الصفحة الأولى



# مساكة

ني الأرض .. ليا مدار  
و ماليش دار  
قضيت عمري .. أقطع تذاكر  
بالعب مع نفسي  
حراميه و عساكر ..  
لا هربت مني  
و لا مسكتني  
و اديني عند آخر الرحله،  
محتار .. أنا ليه هنا ؟؟  
و مش فاكر



# فرحة

الليلة  
ورا الشبابيك  
نجوم السما منورة  
وعصافير الحلم،  
جوه قلبي مزققة  
حاجات كتيرة متغيرة  
مغيرة،  
فيا حاجات أكثر  
الليلة .. أنا أقدر  
أرسم بخيوط الفرحة ملامحي  
أمسح باستيكة الفرحة جرحي  
بسهولة ..

و بطفولة،  
أكسر كل لعب حزني  
و أتعلق في ايديك  
راضي جداً ..  
باي قدر مرسوم جوه عينيك



# أراجوز

إنت،  
الهربان  
المرفوض  
المذبذب  
كان مفروض  
تفضل كده .. أراجوز  
تمشي على حبال النسيان  
تحاول تفوز،  
تخبط كف بكف  
لحظة ما تقع، تنكسر صورتك

تقع .. و ما تكف  
تدق أبواب و أجراس  
تلعن أبو المرات،  
اللي دائما ترسمك : شفاف

# دواير

في دواير الحياة المعادة  
الحزن عادة  
الوحدة عادة  
البكا على الزمن المسكوب،  
عادة  
وكل الطرق لا تؤدي إلى السعادة



# سيناريو

في اللحظة دي  
كانت ملامحي ،  
حائرة .. ثائرة .. مخضوضة  
مدورة روجي وشها للحيط  
..(أمنية)..  
تتحول صفحة اليوم بيضا  
بس الأكثر..  
كان خوفي  
من آخر الليل .. و نفسي  
بتعيد صياغة السيناريو  
على سقف الأوضة



## دفتر

في دفاتر حضور قلبي،  
فيه ناس عدوا و مشيوا في نفس الصفحة  
و ناس في أساميهم .. أنا روعي سارحة  
و ناس  
و ناس  
كلهم زرعوا مشهد الغياب،  
و سابوا في البراويز، الفرحة  
كان طبيعي،  
بعد 22 سنه فراق و رحيل  
تصير أراضِي. مألحة ..





## مقاسات

تفاصيل ما تنشاف  
ولا ترى  
جابت رجلك حبه حبه  
طريق على مقاس جزمته  
و مقاس قلبك  
على مقاس كل ما فيك،  
بالمسطرة ..  
قلبك الورقة البيضاء  
صار ورقة مسطرة

تسمح البوح و الكلام و الخلق  
تسمح بطير الحرف من الخلق  
قلبك البور  
المالح  
صارت زرعته مسكرة

## ثلج

... إهداء إلى "كس"

-1-

إزاي  
في زمن الزيف  
و النزيف  
زمن العمر،  
تطرح جناين الشعر زهر؟؟

-2-

مليت القصايد  
مليت عناوين الجرايد  
مليت،  
الشوارع المرصوفة بالوهم  
مليت الوشوش البايشة،  
من ضحكة فاجرة ماتختشيش  
مليت سؤال روحي المعاد،

فاضل لسه ايه و نبدأ نعيش ؟؟

-3-

هاجرت المعاني  
سابتني و القلم  
عند السطر الأول بعد الكلام ..  
بنفصل بخيوط الصمت  
حلم بلا مطبات

-4-

اللحظة الجاية  
أنا أكبر خطوة ..  
نزفت الفرص .. فرصة..  
و لسه حياتي،  
أكبر من مشهد  
أصغر من قصة  
لسه،  
رغم اكتمال الدواير  
فيها حاجة ناقصة

## خانة

ناس غريبة  
عماله تظهر في الطريق  
و قلبي خايف،  
يعلم على واحد صح  
يليق ..  
و للمرة المليون يملأ غلط  
خانة الصديق



## المزمور 160

يا رب، كيف الخروج من هذه الملتاهة ؟ متشابكة الطرق.  
مبعثرة روحي، كحروف فوق ورق. بدأ قلبي يحترق. يخرق.  
غمامات الحزن إلى أراضٍ اللا يقين. تُعبِّقني خيالات الماضي و  
يخنقني الحنين. هرب زماني من عَدَّاد السنين. سُجنت في  
لحظة واحدة معادة. فكيف أخرج إلى اللحظة التالية ؟ وكيف -  
يا رب- أجد السعادة ؟!





# طريق

خريق .. ني كل الطرق  
بالاحتمالات مرصوف  
وفي آخره دكان سعادته  
كان لي موصوف  
بس عتمة خفيفة ..  
خلتني أرجع،  
ماليني خوف



## قصاقيص

عادي،

لو شفت نفسك مشطوب

انضم ويا كل اللي حبيتهم،

و احدف روحك في خيبة أمل ..

بالطوب

و عادي،

تعكسك مرايات العالم

حد ثاني ..

عادي تقف متهم

غبي

و مش فاهم حاجه،

تاكد أنك نبي..

عادي

تترمي في رحله

من شط لشط

و ف الآخر تحط

على غير شواخي حلمك

عادي،

تكون أسخف حد قابلته

مش إنت بس..

الدور اللي مانتش اخترته

انضم لقايمه الحاجات الكثيره

اللي هاتصحى بكرة تغيرها

ويًا بيجاما الليل العرقانه

عادي،  
يكون قلبك فاضي  
عالمك فاضي  
شوارعك في قلب العدم  
عادي،  
تغرق في ملامح زمن  
منقوش بحب قديم ..  
صدق .. إن الزمن اللي اتمنيته أبدي،  
اتهدم ..  
صلي .. إن الصورة بتشوش  
معدتش بتموت كثير كل يوم  
و أحياناً .. بتدب القدم  
في خريق حب جديد ..  
كام مرة،  
ممکن يبدأ الإنسان من ثاني  
من غير ما تتغير المعاني !!

راقب بعينيك  
رحيل كل اللي حبيته  
بره قلبك،  
في أضخم رحلة جماعية  
في التاريخ  
و عادي ..  
أبدأ من جديد ..

## توجس

الكلمة معاندة  
و قلبي مغلق للتجديدات،  
العالم اللي عرفته اختلف  
و المعلنى تلف  
مابقاش جنبى حاجه مساندة  
هاتقرب من تانى التفاصيل ..  
مش خايف أنا على الوردة  
ولا عصفور بلا عش،  
في سما خالية باردة

مش خايف على نغم هز روحي  
يضيق بلا عودة  
أنا خايف،  
ع الصورة لما تتضح  
الاقيني باتمسح  
الاقى كل اللي حبيته،  
لحظة ذكرى شاردة  
ما بين القلب و النسيان .. تتمرجح  
و افضل محاولة للظهور في البراويز،  
مايكتبلايش أنجح



## قطارات

كرهت السفر  
و الشنط .. و شكل المحطات  
توهة قلبي في الحنين  
بين اللي جاي و اللي فات  
تعبان .. مرهق .. مستنفذ،  
ولسه على هناك مسافات  
لا ذا الطريق اللي حلمته  
ولا اللي كان مفروض أمشيه  
لكن  
مفيش رحلة من غير مفاجات



## وشوش

لبست وشوش كثير في الرحلة  
و لعبت أدوار،  
مكثت على مقاسي  
كان إحساسي  
الحياة هاتكون سهلة  
بس بصراحة،  
اكسفت جداً من نفسي  
و أنا باقنهما قدام المرآيا،  
أني بقيت أحلى  
: ردت بكلمة سافلة ...



# كراسة

كراسة صغيرة  
مرصوصة ..جواها حروف  
و كلام راسمك  
و أنا اللي كاتبها،  
مقدرش أقول اسمك ..  
من غير حزن  
من غير خوف



## مرثية

معدش فيه حاجه تفرّح  
زمن الفرحه البسيطة مات  
كل الوشوش .. وشوش مسرح  
حافضة بلا إحساس .. كلمات  
شجر الود معدش بيطرح  
غير حيرة و شك و سوالات  
ازاي،  
صارت ملامح المشهد مختلفة  
ضاعت الألفة  
و صبحنا رقم و ابتسامة،  
في خابور الاحتمالات !!





## مونولوج

آخر الليل  
بیسلم القمر وردیه  
و يرجع للضل ینام  
افتح شبالك .. أراقب رحيله  
ویا النجوم و الألفه و الغیام  
یطل قلبي ع الطريق  
على أمل مستحیل إنه یمان  
أي کیان فی عبايه صديق  
على محفز بیل الریق  
من ثاني بالكلام



## لو

لا الفضا بقا حدّي  
ولا يدي،  
عادت ماسكه مسدس  
معادش ينفع أحلم  
أكون مهندس ..  
قضي الأمر ..  
لا الطريق بعد خمس سنين  
ممكّن يتغير  
ولا عاد ينفع أعبيّ الأيام  
وقلبي يصغر ..

خريقي على خريقة السلام المتحركة  
اتجاه واحد،  
للأمام  
مش للأمام قوي  
أو للأمام بطريقة مفبركة

# ليل

حواديت الليل كاس خمره

اللي يدوقها

يسكر بالحنين ..

شوارع الليل حادقة و مره

للي يمشيها

وحيد بين التانيين



## سِفْر الإنعتاق

مَزَّقْ جواز سفرك  
و اخلع فصيلة دمك..  
أرفض حنان الشمس المعداد  
و أغلق نوافذك  
من حنين مكرر يضمك  
رفضتك أرضك فارفضها  
ولا تبغضها..  
قد أعطتك اسمك..  
أعطتك الصور الباسمة  
انثرها،  
و احذر زيف الذكري..

خط بقلمك

زمن ملائم و خريق

و أمطر حقائق تنبّت حلمك

الغربة ثلج يغطي روحك

لا تفزعك البرودة،

لا تثير ندمك..

رويداً رويداً

تعرفك الشوارع و المقاهي

كما أنكرك أبيك و أمك



## النهايات

-1-

آخر قصيدة،

هاكتبها لك ..

و آخر تنهيدة

في لحظة حنين مُعادة ..

آخر آهه مطلقه

آخر شوقه

و آخر شمس مخنوقه،

في آخر لحظه شروق ليكي

معدش ينفع استنني عينيكي

لآخر الزمان ..

معداش ينفع أمشي

كل الطريق ده لوحدي  
معدش ينفع أبكي ..  
تمسح دموعي يدي  
و إنتي،  
في مدارات المستحيل بتتفرجي  
قاسيه  
و ناسيه  
و رأسيه قووووووووي ..

-2-

آخر الحكاية،  
و بعدها التترات ..  
مش هيا دي النهاية المتوقعة  
و لا حتى الموقعة ..  
دي نهايتنا الساخرة  
تخيّلِي ،

بعد كل وعود الفرحة  
.. ننتهي ،  
بيني و بينك كون  
و بلاد أحزان  
تأيهين من بعض  
بندور في شوارع من غير اسم  
بندور على ضحكه مالهش عنوان.

-3-

آخر صفحة،  
و ينقل الكتاب ..  
هانرش مية يا كل جمهورنا،  
و يا ريت ماتنسوش  
تشطبوا أسامينا من قائمة الأحياء  
.. بكرة مفيش عرض  
خلصت المسرحية

و قلبي في مواسم البيات الشتوي

مستخبي ورا ألف باب ..

ف ياريت ،

محدّش يخبّط .. أو يرن

أو يبعثلي "كلمني .. شكراً"

أنا مش موجود ..

و مفيش شبكه في السراب

-4-

مضطر

أعلق على قلبي

للبيع : باي سعر ..

و مله أخيره،

أكسر قلمي

و أخفي الشعر ..

## اعتیاد

و كالمعتاد،  
التقينا في الوقت الغلط  
تأمت عينيك في التيه،  
و صوتي بغنا الزحام اختلط

التقينا ..  
و مشينا نحلم باللقا  
عند محطات الصدفة  
بنرسم حد شبهنا،  
و حب بلون الحرية ..  
في زمن كل ما فيه منفي



## فقرة

قلم .. و ورقة،  
و عشر كوبايات شاي فاضية  
راحت لذتهم ..  
خار البخار .. غيم روعي  
ويا عصافير دبلانة  
الجنائين نبذتهم ..  
باتفرج،  
على كل ممثلين مسرح الوهم  
بيادوا نمرتهم  
و الوهم لابس توب الحياه

و الحياه لابسة توب الوهم ..  
وما بين الإثنين،  
لابس قلبي توب الحكيم  
بس الضحكة ردها الصدى  
غطتهم ..



## أريدك

أريدك .. أن تسكنني في  
كما في السماء الكواكب  
و أن تسافري في دمّي  
كما في البحار المراكب

إذا رأى الناس عيني  
ملحوك نائمة كعصفورة  
و إذا قرأوا يوماً أوراقتي  
وجدوها لروحك صورة

أريدُكَ .. أن تسكنني فيَّ  
كما في السماء الكواكب  
إذا غبت عني لثوان  
هوت النجوم مكسورة  
وإذا قلت أحبك .. صرت  
قسيمة حب .. و أسطورة

2006

## أربع سنين ..

أربع سنين غريبه ..  
ذهاب و عودة  
من محطات الذكرى لمحطات الحلم  
و محطات من غير أسامي،  
ساكنها الوحدة ..  
و محطات حب زرعت فيها وردة ..  
.. لكن قلبي المسافر،  
كان لسه غافل ..  
إن الرحلة دون محطة وصول  
أربع سنين .. في الشوارع الغريبه  
و الوشوش الغريبه ..

و الكنايس الغريبه ..  
صغرت دواير وجودي،  
و اتحولت حدوده مكررة ممله  
لحظة ألم خويل،  
و انتظار بكرة .. أحلى  
أنا ملك ملوك الوحدة ،  
و رئيس جمهورية الوهم ..  
أنا اللي ضيّع في الهبل عمره  
و أنا اللي عمره ،  
ما شاف الدنيا صح ..  
مضطرّ الآن،  
أرّش جراحي ملح  
و أسد فراغات روحي،  
بعناقيد اللامبالاه

## افتراضي ..

بنعكر وشوشنا  
بالوان الحقيقة الغاية  
مقاسات الكلام مرحّحه ..  
بمسرحة  
بنشخبّط على حيطان عمرنا  
حواديت و ناس تانية،  
في إنتظار سماع تسقيف الجمهور  
عمالين نطارد بعض  
في الأزقة و الشوارع  
نتصارع،  
مجانين ..  
أسرى حواديت التلفزيون و الأغاني  
كله عايش

في عالم افتراضي،  
على الهامش  
بنخطط أحلامنا على 30 حلقة  
ونلبس بروفيلاتنا،  
تصاوير مش لايقة ..  
بنفرفط الدقايق و الأيام،  
في ☺  
و ☹  
و مش فارقة ..  
ماليانة حياتنا مليون كومبارس  
مختصرة أحداث الأمس  
في ستاتس على النت  
و حتى البنت  
اللي كتبتلها القمر و الشمس  
محال ترضى،  
تكتب اسمها قبلك على التتر..

## محفظة

صورتك نائمة  
بين صور كثيرة في المحفظة ..  
بتضحك زيمهم  
ماليانة المحفظة،  
فتأفيت ذكريات  
من ناس بعيدة ..  
بين كل فترة نسال ازيمهم ! ..  
ناس كثيرة دخلت حياتها،  
بلا استئذان ..  
رَبِّعُوا فِي قَلْبِي،  
و افتكروا نِي كمان مَرَّح ..

بس خلّعوا المّلاعين .. سايبين صورهم  
و أنا،

صحيح عمّال أعبي القلب صور  
لكن بتزمر عدّادات الحنين،  
صعب روحي بغيرهم تشبع ..



## حبيبة

زي عصفير الحلم .. هشة  
تضحك،  
تنزع السما على قلبي .. دهشة

عينيها قدر  
و عمري خير حابر  
لقي في حنانها عيشه ..  
من غيرها  
الكون خالي ناس  
و الشوارع مليانة باللا شيء  
مجرد فراغ و وحشة ..

من غيرها  
كان زمان قلبي عطلان  
مالوش تصلح ..  
وكان قدري استمتع جداً  
.. و هو شايفني  
على خشبة مسرح أيامي،  
-جريح-  
.... عذراً بقي للسادة المتفرجين  
رغم سخافتها،  
أنا بعشق النهايات المفرحة

## وحدة ..

-1-

لوحدي  
بفصل فساتين الكلام  
على مقاس حزني ..  
كل حاجة جوايا  
غريبة عني  
كان قصيدتي مرأيا،  
صورتها مش مني ..  
محترارو ملياني أسئلة  
..والليل لا له حس ولا صوت  
مزقة النجوم ف بعضها  
لا قادر قمري يفوت ..

و لا عارف قلبي،  
و هو بلبس كل صبح  
يومه الجديد ..  
إيه الفرق بين وحدته،  
و بين الموت

-2-

ورا الشبابيك امقفولة  
و الببيان امقفولة  
بمضغ أيامي الحلوة  
أيام المدرسة،  
و الفرحة و الشقاوة و الطفولة  
.. على حيطان الحب،

شطبت اسمك  
و شطبتني وجعلك ..

بهتت القصايد  
و شطبتنا الحكايات..  
معادش القلب رايد  
يتزوق بالخيالات،  
ضاع المعنى في المعنى في المعنى  
و فانتنا الراوي ..  
بلا دور على الرابة



## كلاكيٲ ..

كل حاجة  
زي ما هيا  
كوباية الشاي .. المعلقة .. البراد  
رواية لسه في نصّها،  
كشكول القصايد و الكلام المُعاد ..  
قلبي في البلكونة،  
واقف ويا الليل دقيقة حداد ..  
أنا عارف،  
إنه خايف ينام .. يحلم  
يسعى ورا الحلم .. يُهزم  
و للمرة المليون يلاقي نفسه،

مُلْزَم ..

بكتابة القصيدة المليون و واحد  
عن الحلم و القدر و أرض الميعاد  
مروحة السقف لسه دايرة،  
بتولد النسايمة ..  
مشهد كل يوم الدايمة  
بيستعد ..  
أول ما أصحى،  
يدور و يتعاد



## تاراتاتا..

باشتاق  
لكل شبر في روحك ..  
لكل ترانيم الحنان و الرقة  
الكون من غيرك  
ع الحافة،  
هيا بس زقة ..  
انتي اللي دخلتي حياتي،  
بسهولة  
في لحظة تاريخية فارقة  
غيرتي شوارع قلبي،  
فتحتني شطوخته

مراكب الوعد المفارقة ..

نفسي،

أفضل جذبك

كتفي في كتفك

شاي من ضلوعي قلبي

سايه ف كفك،

ويظل قلبي أسير وصفك

بحبك أنا،

رغم ..

رغم أنفك

## سور

بينني و بينك كذا سور حایل  
لكن ينرقص و نهرب و نتحایل  
لا بد نلتقي بفعل الشوق،  
هل للقا العشاق أي بدايل ؟؟

سنين سهرنا على أنغام الرسايل  
في ليل صمته عامم، سايل  
خلص ليل الحنين .. و شقق  
فجر الأمل الصبوح، القايل

بحبك، أول كلامي .. و آخره  
غموض الحلم و نوره و سحره  
حبك باب موارد بين عالمين،  
واحد متحلّي و الثاني دايق مرّة

## الخروج من الضل

أرفض،  
بعد كل ما رأيت  
أكون .. في قوائم الترانزيت  
أكون كومبارس  
على صفحات الحوادث  
أرفض،  
أكون ضلّ جوه ضلّ  
جنب حيط ..  
خائف .. أدبّد على الطريق،  
أضلّ  
وأظلّ خول عمري خريشة

تتناهى للمسامح  
دون ما تتشاف ..  
... حان وقتي يا سادة ...

## تكوين

في البدء  
رأى قلبي القمر  
و قال : هذا حسن جداً  
و تتابعت الأقمار..  
ثم تراءت الشمس خجلى  
سرى الدفء في روحي  
و قالت : هذا حسن جداً  
و ابتدأ النهار..  
ثم صاح جسدي عطشاً  
أمطرت السماء  
و قال : هذا حسن جداً

و جرت الأنهار..  
ثم حاصرتني الوحدة  
أخلفت حبيبتي باسمه  
قلت : هذا حسن جداً  
وتوالدت الأزهار..



## راحت أيام المدرسة ..

راحت أيام المدرسة  
والشنطة اللي شالت الكتب والأحلام  
راحت أيام الصحبة والفسحة والكورة ومسافة الملك  
اتكررت الأيام والمشاهد،  
كما قلب لعبة بزمبلك ..  
لا عرفنا ملل  
ولا احتجنا القصايد والجمل  
نرتق شقوق الوقت ..  
ولا فتحنا الكراريس بحثاً عن درس الأمل

راحت أيام المدرسة

و خابور الصباح و الصباح و تحية العلم  
.. ساعة المرواح ..  
كنت بستناها عشان أهرب من تعب النهار  
و دلوقتي بتمنى،  
أعيش ثاني نفس الإنتظار  
و نفس النشوة لحظة دق الجرس  
و أنا شايلى شنطتي،  
و معدّي م الأبواب و الحرس

راحت أيام المدرسة  
و البنات أم ضفاير ..  
كيف صار الفصل جنة عدن

كيف اتلاقينا روح و بدن  
عينيك كانت سمراء،  
غرقانة في الحزن ..  
كيف حسيت بقلبي،  
و شوارعه لأول مرة بتترصف  
-مش فاكّر-  
بس من أسطورية صورتك جوايا  
كان أكيد إحساس ما بيتوصف

بعثرتنا الأيام  
و إتغيرت الأماكن  
مسحت روايحنا  
مسحت بصمات روحنا

أخذ كل منا نصيبه من (أحنا )  
وراح يلضمها  
في حدوتة ثانية ..

## الفهرس

35 .....	خانة	9 .....	كتاب تلوين
37 .....	المزمور 160	11 .....	أمواج
39 .....	خريق	13 .....	مشهد
41 .....	قصاقيص		الحياة السرية للعاشق م
45 .....	توجس	15 .....	س
47 .....	قطارات	17 .....	تفصيص
49 .....	وشوش	19 .....	مساةة
51 .....	كراسة	21 .....	فرجة
53 .....	مرثية	23 .....	أراجوز
55 .....	مونولوج	25 .....	دواير
57 .....	لو	27 .....	سيناريو
59 .....	ليل	29 .....	دفتر
61 .....	سيفر الإنعتاق	31 .....	مقاسات
63 .....	النهايات	33 .....	ثلج

81 ..... وحدة	67 ..... اعتياد
85 ..... كلاكيت	69 ..... فقرة
87 ..... ترا تانا	71 ..... أريدك
89 ..... سور	73 ..... أربع سنين
91 ..... الخروج من الضيل	75 ..... افتراضي
93 ..... تكوين	77 ..... محفظة
95 ..... راحت أيام المدرسة ..	79 ..... حبيبة



## مينا ساهر

شوارع كثيرة عرقها  
 وشوارع أكثر،  
 لسه في أجندة الخطاوي  
 والشوارع ناس .. والناس شوارع  
 أنا عجبتني اللعبة  
 سرقت فيها مكان ودور  
 ولما بان النور  
 استغربت جداً ..  
 لما شفت قلبي .. كتاب عناوين

كتاب تلوين